



Concello de Vilalba

BASES DO I MERCADO DE NADAL DO CONCELLO DE VILALBA **(6 E 7 DECEMBRO DE 2025)**

PRIMEIRA. OBXECTO.

Para tratar de dinamizar a Praza de Santa María e arredores durante os días de feira, o Concello de Vilalba ten prevista a realización de actividades ao longo de todo o ano coincidindo coa feira mensual. Para o mes de decembro, e dada a proximidade das festas de nadal, o Concello ten prevista a realización dun mercado de nadal na Praza de Santa María, os días 6 e 7 de decembro, con diversos postos destinados á venda de produtos de nadal, artigos artesanais e de agasallo, etc.

As presentes bases teñen como obxeto regular as normas e condicións de participación das persoas físicas, xurídicas e as entidades a que se refire o artigo 35.4 da Lei Xeral tributaria, que soliciten e resulten beneficiarias da participación na edición do Mercado de NADAL 2025, organizada polo Concello de Vilalba.

SEGUNDA. LUGAR, DATA E CARACTERÍSTICAS

- 1.- O Mercado de Nadal 2025, celebrarase os días 6 e 7 de decembro de 2025.
- 2.- Emprazamento: Praza de Santa María (Vilalba)
- 3.- Contactos organización: feiras@vilalba.es
- 4.- A difusión pública para a solicitude dos postos será a través da propia páxina web do concello www.vilalba.gal.
- 5.- A organización editará a publicidade precisa da feira para a súa difusión, podendo programar actividades complementarias para un maior reclamo de asistentes e participantes.
- 6.- O horario de apertura dos postos será o sábado de 10:00 a 14:00 e 17:00 a 20:30, e domingo de 11:00 a 14:00 e 17:00 a 20:30, sendo obrigatorio manter o posto aberto nas datas e horario de apertura ao público indicadas.
- 7.- Non se permitirá vender ningún produto distinto dos que consten na solicitude. Será responsabilidade do/da vendedor/a a calidade, composición, elaboración e prezo dos artigos de venda.
- 8.- A organización facilitará un posto de venda a cada participante.
- 9.- Ningún posto poderá ser cambiado do lugar asignado pola Organización sen consentimento previo.
- 10.- O Concello de Vilalba ten dereito a fotografar, debuxar ou filmar as instalacións, así como os servizos e/ou artigos expostos nos mesmos e a utilizar estas reproducións nas súas publicacións, na páxina web do concello e na prensa.
- 11.- Non se permitirá máis música ambiental ca da organización.



12.- Se por circunstancias de forza maior, o Concello de Vilalba se vira obrigado tanto antes como no transcurso do mercado, a suspender a súa celebración, a suspensión será sen dereito por parte dos/as expositores/as admitidos/as a indemnización de tipo algún.

TERCEIRA: PARTICIPANTES E CONDICIÓN DE PARTICIPACIÓN

Poderán presentar solicitude participación no Mercado de Nadal os profesionais legalmente constituídos que acrediten o desenvolvemento dunha actividade económica relacionada coa temática deste mercado, para o Nadal. Estarán disponibles a efectos desta convocatoria e exclusivamente no período temporal determinado para a mercado, 7 stands consistentes en casetas de madeira decoradas. Poderán participar individualmente ou conxuntamente, en cuxo caso deberase indicar expresamente na solicitude achegando a documentación de cada participante. No suposto de participación conxunta, o stand poderase compartir por un máximo de dous participantes.

Correrán a cargo dos vendedores/-as os gastos de traslado, carga e descarga da mercadoría, así como a responsabilidade da mesma e os danos que ésta puidese sufrir.

Os vendedores deberán cumprir coas normas autonómicas e estatais que lles sexan de aplicación.

A descarga da mercadoría para repoñer deberá ser fóra do horario de apertura do mercado e interferindo o menos posible no desenvolvemento deste.

CUARTA: PRESENTACIÓN DE SOLICITUDES

Os interesados en participar deberán presentar o modelo normalizado de solicitude que se achega como Anexo I no Rexistro Xeral do Concello de Vilalba ou por correo electrónico a seguinte dirección: feiras@vilalba.es Non se admitirán solicitudes presentadas fóra de prazo ou realizadas de forma diferente á designada.

O prazo de presentación de solicitudes será dende o día da publicación das bases na páxina web do concello, rematando o día **1 de decembro de 2025**.

As solicitudes irán acompañadas da seguinte documentación:

- Modelo de solicitude, debidamente cumprimentada (Documento anexo)
- Fotocopia D.N.I. do solicitante ou N.I.F. da empresa
- Fotocopia de estar dado de alta no Imposto de actividades económicas (Vixente)
- Copia do último recibo de pago da cota de autónomos ou correspondente réxime da seguridade social
- Memoria explicativa da empresa e fotografías recentes dos produtos a vender

QUINTA: SELECCIÓN E CRITERIOS DE ADXUDICACIÓN DOS POSTOS

As solicitudes de participación que cumpran cos requisitos nomeados nos anteriores apartados serán avaliadas por unha Comisión de selección, e que seleccionará os participantes adxudicatarios dos postos que finalmente estarán presentes no evento.

A Comisión de selección estará composta polos seguintes membros:

- Paula Vigo – Concelleira de Feiras do Concello de Vilalba
- Sonia Garcia – Técnica de Cultura do Concello de Vilalba
- Mauro Chico – Técnico de Administración do Concello de Vilalba

A selección farase tendo en conta os seguintes criterios:

- O produto de venda e as súas características.
- Evitar a excesiva reiteración dun mesmo produto nos diferentes postos, representando o maior número posible de disciplinas.
- Traxectoria profesional.
- Calquera outro criterio que se considere interesante para o bo desenvolvemento da actividade.
- A Comisión de selección priorizará as solicitudes de vendedores/as e produtores/as de Vilalba e a Comarca, sempre que se axusten aos criterios de adxudicación expostos anteriormente nestas bases.

A Comisión rexeitará as candidaturas que non se axusten aos obxectivos do evento ou que, por calquera motivo, sexan incompatibles co mesmo.

A decisión da Comisión non será susceptible de recurso.

Con base nos criterios expostos, a Comisión propondrá a listaxe de adxudicatarios seleccionados e listaxe de suplentes. Esta resolución farase pública para os efectos de notificación ás persoas interesadas, así como calquer outra notificación ou requerimento, a través da páxina web .

No caso de que algún-a adxudicatario-a seleccionado-a non poida participar, deberá presentar no Rexistro Xeral do Concello o correspondente escrito de renuncia, no prazo de dous días naturais seguinte ó da publicación da resolución final. En caso de renuncia, cubrirase a vacante con algún dos suplentes, que mellor se axeiten aos criterios de selección antes expostos.

A distribución e ubicación de cada posto de venda será competencia exclusiva da organización, axustándose ao espazo dispoñible para a realización do mercado a e tendo en conta as diferentes disciplinas, para que a súa distribución ao longo da mostra sexa o máis diversificada posible



Concello de Vilaíba

SEXTA. ACEPTACIÓN DAS BASES

O envío da solicitude implica a aceptación de todas as cláusulas redactadas neste documento. O incumprimento de calquera dos artigos anteriores por parte das persoas participantes poderá supoñer a expulsión inmediata do Mercado en calquera dos días que se desenvolve, así mesmo correrán por conta do vendedor/-a todos os desperfectos que se ocasionen en instalacións e vía pública.



Concello de Vilalba

**FICHA INSCRIPCIÓN I MERCADO DE NADAL
CONCELLO DE VILALBA
(TODOS OS CAMPOS DEBERÁN SER CUBERTOS CON LETRAS
MAIÚSCULAS E CON CLARIDADE)**

NOME DO VENDEDOR:			
DIRECCIÓN:			
PROVINCIA:		POBOACIÓN:	
NIF / CIF:		MÓBIL:	
MÓBIL 2:		FIXO:	
CORREO ELECTRÓNICO:			
PRODUTOS QUE VENDERÁ:			
COMPARTE POSTO	SI ☐ NON ☐		
EN CASO DE COMPARTIR POSTO, DEBEN CUPRIMENTARSE OS SEGUINTE CAMPOS			
NOME DO 2º VENDEDOR:			
DIRECCIÓN:		POBOACIÓN:	
PROVINCIA:		MÓBIL:	
NIF / CIF:		FIXO:	
CORREO ELECTRÓNICO:			
PRODUTOS QUE VENDERÁ:			

FIRMA E DATA: